

iusticia, licet eciam dextera domini misericordie sue un-
 cione nos unxerit licet immeritos nosque constituerit super
 presidentes temporaliter super terram, ut per mutuos deo
 auctore nobis compaciamur¹ et mutuis amplexibus foveamur,
 ecce quod nostram et liberorum nostrorum personas necnon
 creditum nobis regnum vestre piissime dispositioni submit-
 timus, ut secundum deum et puram conscienciam libere
 statuatis et ordinetis salubriter, quidquid honori dei², liber-
 tati ecclesiastice ac orthodoxe fidei, terre sancte, ad cuius
 liberacionem precordialiter nostra aspirat attencio, necnon
 bono imperii statui credideritis expedire. Et ne littere nostre
 prolixitas beatitudini vestre tedium generet ac nichilominus
 devocionis nostre affectus circa premissa paternitati vestre
 plenius patefiat, venerabiles Henricum Brixinensem epi-
 scopum, sacri imperii principem, magistrum Landolfum³,
 prepositum Wormaciensem⁴, medicum et sanitatis nostre
 custodem, ac nobilem virum Gerlacum⁵ de Ysenburch,
 affinem nostrum, secretorum nostrorum generalium et spe-
 cialium cognitores, de latere nostro ad vestre beatitudinis
 presenciam destinamus nostros nuncios et legatos, per quos
 concepte devocionis spiritum exponimus, et in eorum affa-
 tibus tam devote quam hilariter nos vestre sanctitatis
 aspectibus presentamus. Idem nuncii nostri tamquam in-
 time nostre conscii voluntatis nostre devocionis ad patrem⁶
 erunt interpretes, illam ad nos utinam reverendi patris
 benivolenciam relaturi, per quam erga debiti⁷ patris reve-
 renciam ad omnem honorificenciam filialem totis affectibus
 et expertis effectibus plus quam aliquis devotus filius effun-
 damur.

Datum Ratispone VII. kalendas maii regni nostri
 anno tercio etc.

1) Hier fehlt ein Substantiv zu 'mutuos', etwa 'favores'. 2) em.;
 'dicitur' Hs. 3) 'Chunr' Hs. 4) 'Marmacien' Hs. 5) 'Beroldum' Hs.
 6) 'prm' Hs.; ist etwa zu lesen 'paternitatem' und 'vestram' hinzufügen?
 7) sic!